



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XLIII.

urn:nbn:de:hbz:466:1-11453

etiā omnium aliarū ecclesiarū, & principū, & aliorū, tam clericorum, q̄ laicorū, consilio principum, & iustitia di-
ctate, quæ habeo reddā, quæ nō habeo vt reddatur, fide-
liter iuuabo: & do verā pacē Calixto, sanctæq; Romanæ
ecclesiæ, & omnibus q̄ in parte ipsius sunt, vel fuerunt, in
quibus sancta Romana ecclesia auxiliū postulauerit, fi-
deliter iuuabo. EGO CALIXTVS seruus seruorū Dei:
Dilecto filio Henrico Dei gratia Romanorū Imperato-
ri semper Augusto. Cōcedo electiones episcoporū & ab-
batū Teutonici regni, qui ad regnū pertinent, in præsen-
tia tua fieri, absq; Simonia, & aliqua violentia: vt si quæ
inter partes discordia emerferit, metropolitani & com-
prouincialium consilio & iudicio saniori parti assensum
& auxiliū prabeas. Electus aut regalia per sceptrum
à te recipiat: exceptis omnibus, quæ ad Romanā ecclesi-
am pertinere noscuntur: & quæ ex his tibi iure debet fa-
ciat. Ex alijs verò partibus Imperij, consecrandus infra
sex menses, regalia per sceptrum à te recipiat. De qui-
bus verò mihi querimoniam feceris, secundum officij mei
debitum auxiliū præstabo: Do tibi verā pacem, &
omnibus, qui in parte tua sunt vel fuerunt tempore hu-
ius discordiæ. Datum anno XXII. IX. Calendas
Octobris.

CAPVT XLIII.

Huiusmodi scripta atq; rescripta, propter infi-
nitā multitudinis conuentum, loco cāpestri iuxta
Rhenum lecta sunt, data & accepta, postquā multi-
modas laudes, rerum gubernatori Deo redditas, cele-
bratis à domino Ostiensi diuinis sacramentis, inter qua
dominum Imperatorem cum pacis osculo, sanctaque
communione plenissimè reconciliauit, discessum est ab
omnibus cum letitia infinita. Alterum quoquē non
multo

multò post festum sancti Martini Imperator colloquium cum principibus habuit Bambergæ: illis scilicet, qui huic conuentui non aderant: ubi cunctis in sua vota concordantibus, multis, quæ tam ad regni quàm sacerdotij congruebant honorem, more Maiorum compositis, oratores proprios cum Romanis destinavit: & utrosque, nuntia simul & munera ferentes honorifica, domino Calisto papæ consanguineo, iam sibi coniunctissimo direxit: Deinde proximum Christi Natalem, qui fuit incipiente vicesimo tertio post centum ac mille annos, Traiecti celebrant: ubi orta primum simultate ex iurgio inter milites Imperatoris & ministeriales episcopi, pòst peruentum est ad arma. Milites ex sua consuetudine superbi agebant, ministeriales autem superati multitidine, ciues ad arma vocant, latius serpit indignatio. Imperatorij prodicionem & coniurationem in Cesarem factam proclamant: Ciues libertati suæ aderant, cum se in seruitutem adduci arbitrarentur. Ità passim crescente malo multi caduntur, maior pars ex oppidanis: alij capiuntur, & in vincula coniecti, pœnas luunt temeritatis, cum magna pars, quid ageretur, ut in talibus fieri solet, ignoraret. Captus & ipse episcopus in ferrum ponitur, nec inde relaxatur, nisi magnis archiepiscopi Colonienfis precibus, & immensa insuper æris summa persoluit, quod aut conspirationis conscius, aut non comprimenda reus diceretur.

CAPVT XLIIII.

Emersit deinde rebellio in sequentem annum, inter Imperatorem & Hollandiæ dominam, quæ Lotbarij ducis Saxonie soror erat. Interim per Germaniam latrocinia nimis multa, præsertim per Saxoniam, creuerunt. Stipendiarij qui publicis hactenus malis passim erant,